

Bertsolariei jakinerazten zaie aurten paratutako bertso papelik onenak ere sariak izango dituztela eta animoso agertu bear gendukeala.

Sari auk 1965 ilbeltzaren 1-ean partitu ziran Anoetako frontoian Euskal-erri osoko bertsolarien azken txapelketa nagusia egin zanean.

ANTONIO BILBAO MONASTERIO 1964 LIZARDI POESIA SARIAREN IRABAZLE

1964 urterako Lizardi poesia saria emango zanaren berri zabaldu zan 1962 urtean ipiñi ziran oiñarri berdiñakin. Lanak bialtzeko epea maiatzaren 28-an bukatu zan. Euskaltzaindiak juradu bat izendatu zuen: Fernando Artola "Bordari", Gabriel Aresti, Juan Maria Lekuona, Aita Santiago Onaindia eta Agustin Zubikaray.

Agertu ziran lan guztiak irakurri ondoren 1964 uztailaren 22-an epaia eman zuten eta saria Antonio Bilbao Monasterio-gana erori zan, Gipuzkoako Ahorro Kaxa Probintzialak emandako bost milla pezeta. Bere poesia lanaren titulua "Loraen zugatza" izan zan.

DOMINIQUE PEILLEN 1964 URTEKO DOMINGO AGIRRE NOVELA-SARIAREN IRABAZLE

1965 urtean Toribio Alzaga teatro saria ematea tokatzen da

Aurten Txomin Paillen-i eman zaio Domingo Agirre novela saria, Bizkaiko Ahorro Kaxak Euskal Akademiarekin bat egiñik sortua duena. "Gauaz ibiltzen dana" deritza saria irabazi duen obrari. Juradua osatu dutenak Gabriel Aresti, Juan San Martin eta Alfonso Irigoyen izan dira eta ago batez eman dute erabakia.

Txomin Peillen Parisen jaio eta bizi dan gazte bat da, guraso zuberotarren semea. Euskal izkuntza batua ondo menderatua du bere jatorriko izkera bes-teetatik berezietakoa izanagatik eta gaiñera kultura zabalaren jabe da.

Datorren urterako Toribio Alzaga teatro-sarira dei egiten da orainarteko oiñarri berberakin eta lanak bialtzeko epea 1965 uztailarren 20-an bukatzen da.

JOSE MARIA LERTXUNDI "ARGIÑ" AYA-KOAK 1964 XENPELAR SARIA IRABAZI DU

Euskaltzaindiak Gipuzkoako Ahorro Kaxa Probintzialak lagunduta Xen-pelar poesia sariak bertsolarien klasean ari diranentzat ipiñita zeuzkan igaz. Urtearen asieran bertso papelak aurkeztatzeko epea luzatu zan.

Amaika orri eldu dira eta Euskaltzaindiak juradu bat izendatu ondoren, arek 1965 maiatzaren 28-an urrengo au erabaki du:

Lendabiziko saria, bi milla pezeta, Jose Maria Lertxundi "Argiñ"-i ematea asto bati jarri dizkan bertsoakatik. Bigarrena, milla ta bosteun, Jesus Lete "Ibai-erz"-i amabi bertsoekin osatutako orriagatik. Irugarrena, milla, Joxe Mari Ertzilla "Xabaroa"-ri aurtengo estropadai jarritako bertsoakatik. Eta laugarrena, bosteun, Sebastian Salaberria-ri Iturrioz-ko sega-apustuari jarritakoakatik.

Juradua osatu dutenak dira: Juan Maria Lekuona, Fernando Artola "Bordari", Juan San Martin, Antonio Arrue, Aita Antonio Zavala, Jose Maria Sartrategi eta Alfonso Irigoyen.

Aurtengo beste sariketa baten berria zabaldua dago izen berberarekin, au da, Xenpelar izenarekin, eta bertso papelak biartzeko epea urriaren 20-an bukatzen da. Gaia libre izango da eta amar bertso papel inprentatu elduerazi bear dira.

DOMINGO AGIRRE ZANAREN OMENEZ LITERATURA SARIKETAK. 1964 ABENDUAREN 20-AN LORE JOKOAK ONDARRUN

Ondarruko Ayuntamentuak zenbait literatura sariketa jarri zituen Domingo Agirre bertako semea zanaren omenez, batzuk euskeraz eta beste batzuek erderaz. Euskerazkoak Euskaltzaindiari eman zizkioten erabakiak ar zitzan.

Onela egin zan:

Poesia saria: "Bear zaitut laga". Egillea: Antonio Bilbao Monasterio. Juradua: Aita Lino Akesolo, Fernando Artola "Bordari", Juan Maria Lekuona, Juan San Martin eta Alfonso Irigoyen. Saria: Bizkaiko Diputazioak emandako amar milla pezeta eta lore natural bat.

Teatro saria: "Historia triste bat". Egillea: Salvador Garmendia. Juradua: Iñaki Beobide, Manuel Ziarsolo eta Alfonso Irigoyen. Saria: Ondarruko Kresala teatro taldeak emandako amar milla pezeta.

Marifiel giroko narrazioa: "Amonatxo zaarrak eta ur txakurrak". Egillea: Agustin Zubikaray. Juradua: Manuel Ziarsolo, Jesus Maria Arenaza eta Alfonso Irigoyen. Saria: Ondarruko "Unión Sindical de Armadores de Altura" alkartadeak emandako bost milla eta bosteun pezeta.

Baseri giroko narrazioa: "Arnobarrengo Iñaxio". Egillea: Tene Muxika. Juradua: Manuel Ziarsolo, Jesus Maria Arenaza eta Alfonso Irigoyen. Saria: Bizkaiko Ahorro Kaxak emandako iru milla pezeta.

Domingo Agirre apaiz: "Domingo Agirre-ren eliz-itzaldiak". Egillea: Aita Luis Villasante. Juradua: Manuel Ziarsolo, Jesus Maria Arenaza eta Alfonso Irigoyen. Saria: Ondarruko Santa Maria Parrokiak emandako bi milla pezeta.

Erderazkoak erabaki zituztenak beste alkartade batzuek izan ziran.

Erabaki auek abenduaren 18-an artu ziran eta egun bi geroago Ondarrun lore jokoak egin ziran. Jose Artetxe jauna izan zan izlaria. Poesia saria autoreak berak irakurri zuen. Euskaltzaindiko zenbait egon ziran bertan.